

Powšitkowne WOZJEWJENJA

njedźelu, 24. julija 2016

Swjata spowědź w Róžeńće

Wšitcy, kotřiž chcyli porciunkulski wotpusk zdobyć, maja mjez druhim w Róžeńće składnosć, sobotu, 30. julija, wot 17 do 18 hodź. sakrament swjateje spowědže přijec. Spowědnicy budu fararjo Michał Anders, Michał Nawka, Měrcin Deleńk a Beno Jakubaš.

Atraktiwne džěło w Domje swjateho Jana

Při nowym poskitku spěchowanja duchownje zbrašenych pyta Dom swjateho Jana w Smječkecach žónske a muske fachowe mocy předewšěm z kwalifikaciju ergoterapeuta, fyzioterapeuta, hladarja a kublarja zbrašenych a podobne. Džělowe městna maja so hnydom abo po dorěčenju wobsadzić. Džělowy čas je mjez 8.00 a 17.00 hodź. Dalše informacije dóstanu zajimcy w Smječkecach pod telefonowym čisłom (03 57 96) 88 61 11.

Kónčna Boža mša z Krakowa w telewiziji

Telewizijny sćelak ZDF přenjese njedźelu, 31. julija, wot 10 hodź. originalnje zakónčacu Božu mšu swětowego zetkanja młodžiny z bamžom Franciskusom. Na tute kemše wočakuja w Krakowje něhdže połdra miliona putnikow. Do toho wusyła ZDF w 9.30 hodź. magacin „sonntags“. W nim póndže wo to, čehodla su swětowe zetkanja młodžiny tak wuspěšne.

Mužojo přińdu z Marsa, žony z Wenusy

Poradźowarnja za mandželstwa, swójby a žiwjenje Drježdžansko-Mišnjanskeho biskopstwa přeprošuje pory wot pjatka wječora do njedzele připołdnja, 19. do 21. awgusta, na seminar pod hesłom „Mužojo přińdu z Marsa, žony z Wenusy“. W srjedźišću kursa w Smochčanskim Domje biskopa Bena ma prašenje za potajnstwom dobreho partnerstwa stać. Nawod změjetej poradźowarce Dorothea Kramß a Eva-Maria Ritz. Zajimcy měli so hač do pjatka, 5. awgusta, pod telefonowym čisłom (03 41) 9 83 00 71 abo e-mailowej adresu efl-beratung.leipzig@bistum-dresden-meissen.de přizjewić.